



PROGRAMA MENIÑEIRO - VERÁN 2026

O departamento de Servizos Sociais do Concello de Cabana de Bergantiños organiza o Programa Meniñeiro co obxectivo de fomentar a corresponsabilidade entre mulleres e homes a través da conciliación dos seus tempos persoais, laborais e familiares mediante a realización de actividades educativas e lúdicas, dirixidas ás/ós nenas/os, durante os períodos vacacionais.

1. DESTINATARIAS/OS

Menores escolarizadas/os en educación infantil e primaria (nadas/os entre o 01/01/2014 e o 31/12/2022) que estean empadroadas/os no Concello de Cabana de Bergantiños, polo menos cun do proxenitores, con anterioridade ó 1 de xaneiro de 2026.

De quedar prazas vacantes, terán preferencia na adxudicación das mesmas pola seguinte orde:

- 1º.- As/os menores que desfruten das vacacións escolares con familiares empadroados no concello de Cabana de Bergantiños e así o acrediten.
- 2º.- As/os fillas/os de persoas que estando empadroadas noutro concello, teñan os seus postos de traballo no termo municipal do concello de Cabana de Bergantiños e así o acrediten.
- 3º.- As/os menores doutros concellos non comprendidos nos apartados anteriores, atendendo a orde de inscrición.

2. TEMPORALIZACIÓN E LUGAR DE CELEBRACIÓN

Quendas:

- **1ª quenda:** do 1 ó 15 de xullo (11 días)
- **2ª quenda:** do 16 ó 31 de xullo (12 días)
- **3ª quenda:** do 3 ó 14 de agosto (10 días)
- **4ª quenda:** do 17 ó 28 de agosto (10 días)

Horario: de luns a venres de 10:00 a 14:00 horas ou ampliado de 9:00 a 14:00 horas.

Lugar: Casa da Cultura.

3. INSCRICIÓNS E DOCUMENTACIÓN

O prazo para presentar as solicitudes será dende as 9:00 h. do 25 de maio ata as 14:00 horas do 29 de maio de 2026.

PREINSCRICIÓN ONLINE: <https://cabana.gal/inscripcionactividades2026/>

Presencial: para aquelas persoas que teñan calquera tipo de dificultade, de 9:00 a 14:00 horas, nas dependencias do Concello de Cabana de Bergantiños.



A comprobación do empadramento no concello de Cabana de Bergantiños farase de oficio polos servizos municipais.

De ser o caso, é preciso acreditar o lugar de traballo no termo municipal do concello de Cabana de Bergantiños.

Cando se considere necesario, o concello solicitará documentación acreditativa das circunstancias familiares declaradas.

A admisión das/os menores no programa realizarase, cumpridos os requisitos de idade e preferencia, por rigoroso orde de inscrición ata cubrir as prazas dispoñibles.

A confirmación da praza comunicarase por correo electrónico.

A concesión da praza implica a asistencia a actividade polo que as faltas non xustificadas e reiteradas significarán a perda da mesma.

A actividade só se realizará de cubrirse o 50% das prazas ofrecidas para cada quenda.

4. PREZO PÚBLICO

HORARIO	PREZO POR QUENDA
10:00 – 14:00	15 €
9:00 – 14:00	20 €

Bonificacións do 25%:

- Menores pertencentes a familias monoparentais (certificado de familia monoparental).
- Menores cun grao de discapacidade superior ao 33% (certificado do grao de discapacidade).
- Cando asistan varios irmáns, o segundo e sucesivos terán bonificación.

O pago efectuarase con carácter previo a prestación do servizo. O correo electrónico de confirmación de praza incluírá as indicacións para realizar o pagamento nos 3 días posteriores á recepción do devandito correo.

5. NORMAS DE FUNCIONAMENTO E OBSERVACIÓNS

Deberase comunicar á persoa responsable do programa os cambios que poidan figurar nos datos da súa ficha de inscrición.

Prégase puntualidade na entrega e recollida das/os menores.

As/os participantes deben acudir as actividades con roupa cómoda e calzado, preferentemente, deportivo.

As/os nenas/os deben levar tódolos días unha mochila, marcada co seu nome, cunha botella de auga, un paquete de panos de papel, unha gorra, protector solar (primeira aplicación na casa) e unha pequena merenda para tomar a media mañá. Tamén poden deixar outra bolsa na Casa da Cultura que conteña traxe de baño, toalla e chanclas para as actividades na praia e xogos de auga



cando as condicións meteorolóxicas o permitan.

Non están permitidos os aparellos electrónicos, videoxogos, móbiles...

As/os nais/pais ou titoras/es deben ter o teléfono operativo (número de España) durante o horario do programa Meniñeiro (de 10 a 14 horas ou, de ser o caso de horario ampliado, de 9 a 14 horas).

As/os menores non acudirán as actividades no caso de ter febre, diarrea, vómitos ou enfermidades ou procesos infecto contaxiosos.

O monitorado non administrará ningunha medicación salvo estrita prescrición médica que xustifique a necesidade de facelo no horario que o/a menor permanece na actividade. Dita prescrición detallará o tipo de medicación, cantidade e modo de administración. Todo o anterior avalado mediante informe médico e autorización por escrito da nai, pai ou representante legal.

As baixas no programa deben ser comunicadas á educadora familiar.

A formalización da inscrición implica a aceptación explícita das normas que rexen esta actividade e os cambios que poidan xurdir por razóns técnicas ou organizativas debidamente xustificadas.

Cabana de Bergantiños

O alcalde, José Muíño Domínguez

Documento asinado dixitalmente